

Cartulaire de l'Abbaye de Redon en Bretagne: [832–1124], Nr. 41

Mundi termino adpropinquante, ruinis crebrescentibus, iam certa signa manifestantur, idcirco ego, in Dei nomine, Raginbaldus, considerans gravitudinem peccatorum meorum, et reminiscens bonitatem Dei dicentis, Date elemosinam et omnia munda fiant vobis; si aliquid de rebus nostris locis sanctorum, vel substantiae pauperum, conferimus, hoc nobis, procul dubio, in aeternam heatitudinem retribuere confidimus; ego quidem, de tanta misericordia et pietate Domini confisus, per hanc epistolam donationis donatumque in perpetuum esse volo Sancto Salvatori et monachis in Rotono habitantibus, ubi petivi locum salvandi animam meam. et commam capitis mei deposui, hoc est, villa iuris mei rem proprietatis meae, nuncupantem Munera, sitam in pago Redonie, in conditam Turricense, cum terris, aedificiis, cum servis et ancillis, his nominibus: Richert et uxore sua Tella, cum filiis suis; Rigulf et uxore sua Thethrada, cum filiis suis; Mumlin et uxore sua Rainhelt, cum filiis suis; Landiuuin et uxore sua Arminna, cum filiis suis; Rainulf, solus; Godrich et uxore sua Flothelt, cum filiis suis; et Madahelt, cum infantibus suis; Tethelt et suus filius Maerulf; Tedtrud, Arminuit, Tetherga, Amalberga similiter; et in alio loco dono Sancto Salvatori et monachis in Rotono habitantibus mansum meum que vocatur Nigrorio, quam de parte genitoris mei, nomine Harlebaldo, quondam mihi legibus ohvenit, sitam in pago Namnetico, in condita Rubiacinse, cum terris, aedificiis, cum servis et ancillis, his nominibus: Blitger, Flother, Haerbert, Adalhart, Ahanhildisin, cum vineis et silvis, pratis, pascuis; aquis, aquarumve decursibus, mobilibus et immobilibus, cum omnibus appendiciis suisque adiacentiis suis et omni supraposito suo, totum atque integrum, Sancto Salvatori et monachis suis in elemosina, pro anima mea et pro regno Dei, trado atque transfundo, ita ut quicquid exinde facere voluerit, liberam ac firmissimam in omnibus habeant potestatem; si quis vero, quod futurum esse non credo, absit, aut ego ipse aut ullus de coheredibus meis, vel quislibet persona, qui contra hanc donationem aliquam, calumniam vel repetitionem generare presumpserit, illud quod. repetit non vindicet, et insuper contra cui litem intulerit solidos .D. conponat; et haec donatio firma permaneat, subnixata diuturno maneat inconvulsa. Factum est hoc ante ecclesiam Turrich .IIII. feria, pridie idus augusti, coram multis nobilibusque viris: Drelouuen, Frodic, Hotto, Rigult, Annanias, Madram, Godon, Godoleis, Godobert, Armouuin, Bertlaico, Sigobert, Datlin, Iarnnuuahaunt, Rituuant, presbyter, testis; Iarnbido, presbyter, testis, anno illo regnante Lothario et Nominoe dux Brittonum.